

韋蘇州集卷第六

蘇州刺史韋。應物

懷思十九首

有所思一首

暮相思一首

夏夜懷盧嵩一首

春思一首

春中憶元二一首

懷素友子西一首

對韓少尹所贈硯有懷一首



月晦憶去年與親友曲水遊宴一首

清明日憶諸弟一首

池上懷王卿一首

立夏日憶京師諸子弟一首

曉至園中憶諸弟一首

懷瑯琊深標二釋子一首

雨夜感懷一首

雲陽館懷谷口一首

憶灃上幽居一首

重九登滁城樓憶前歲九日歸灃上赴

崔都水及諸弟燕集悽然懷舊一首

始夏南園思舊里一首

發蒲塘驛緣路見泉谷村墅忽想京師

舊居追懷昔年一首

行旅十首

經函谷關一首

經武功舊宅一首

往雲門郊居塗經迴流作一首

乘月過西郊渡一首

晚歸灃川一首

授衣還田里一首

夕次盱眙縣一首

春月觀省屬城始憩東西林精舍一首

自蒲塘驛迴駕經歷山水一首

山行積雨歸塗始霽一首

感歎三十二首

傷逝一首

往富平傷懷一首

出還一首

冬夜一首

送終一首

除日一首

對芳樹一首

月夜一首

歎楊花一首

過昭國里故第一首

夏日一首

端居感懷一首

悲紈扇一首

閑齋對雨一首

林園晚霽一首

秋夜二首

感夢一首

同德精舍舊居傷懷一首

悲故交一首

張彭州前歲與緱氏馮少府各惠寄一

篇多故未荅張已云沒悲哀叙事兼

遠簡馮生一首

東林精舍見故殿中鄭二侍御題詩追

舊書情涕泗橫集因寄呈閻澧州馮

少府一首

同李二過亡友鄭子故第

李與之政非予所識

話舊一首

亭中對兒姊話蘭溪崇賢懷真已來故事泫然而作

至開化里壽春公故宅

睢陽感懷

廣德中洛陽作

閻門懷古

感事

感鏡

歎白髮

懷思十九首

有所思

借問堤上柳青青為誰春空遊昨日地不見昨
日人繚繞萬家井往來車馬塵莫道無相識要
非心所親

暮相思

朝出自不還暮歸花盡發豈無終日會惜此花
間月空館忽相思微鍾坐來或作未歇未或作未

夏夜憶盧嵩

靄靄高館暮開軒滌煩襟不知湘雨來瀟灑在

幽林

一云不知微蕭
西山鳥鳴幽林

炎月得涼夜芳罇誰與斟故人

南北居累月間徽音人生無閑日歡會當在今
反側候天旦層城苦沉沉

春思

野花如雪繞江城坐見年芳憶帝京閭闔曉開
凝碧樹曾陪鴛鴦聽流鶯

春中憶元二

雨歇萬井春柔條已含綠徘徊洛陽陌惆悵杜
陵曲遊絲正高下啼鳥還斷續有酒今不同思
君瑩如玉

懷素友子西

廣陌並遊騎公堂接華襟方歡遽見別永日獨
沉吟階暝流暗駛氣踈露已侵層城湛深夜片
月生幽林往款良未遂來覲曠無音恒當清觴
宴思子玉山岑耿耿何以寫密言空委心

對韓少尹所贈硯有懷

故人謫遐遠留硯寵斯文白水浮香墨清池滿
夏雲念離心已永感物思徒紛未有桂陽使裁
書一報君

月晦憶去年與親友曲水遊讌

晦賞念前歲京國結良儔騎出宣平里飲對曲
池流今朝隔天末空園傷獨遊雨歇林光變塘
綠鳥聲幽凋眊積逋稅華鬢集新秋誰言戀虎
符終當還舊丘

清明日憶諸弟

冷食方多病開襟一忻然終令思故郡煙火滿
晴川杏粥猶堪食榆羹已稍煎唯恨乖親燕坐
度此芳年

池上懷王卿

幽居捐世事佳雨散園芳入門靄已綠水禽鳴

春塘重雲始成夕忽霽尚殘陽輕舟因風泛郡
閣望蒼蒼私燕阻外好臨歡一停觴茲遊無時
盡旭日願相將

立夏日憶京師諸弟

改序念芳辰煩襟倦日永夏木已成陰公門晝
恒靜長風始飄閣疊雲纔吐嶺坐想離居人還
當惜徂景一作光景

曉至園中憶諸弟崔都水

山郭恒悄悄林月亦娟娟景清神已澄一作謚事簡
慮絕牽秋塘徧衰草曉露洗紅蓮不見心所愛

茲賞豈爲妍

懷琅琊深標二釋子

白雲埋大壑陰崖滴夜泉應居西石室月照山
蒼然

雨夜感懷

微雨洒高林塵埃自蕭散耿耿心未平沉沉夜
方半獨驚長簟冷遽覺愁鬢換誰能當此夕不
有盈襟歎

雲陽館懷谷口

清泚階下流云自谷口源念昔白衣士結廬在

石門道高杳無累景靜得忘言山夕綠陰滿世
移清賞存吏役豈遑暇幽懷復朝昏雲泉非所
濯蘿月不可援長往遂真性暫遊恨早喧出身
既事世高躅難等論

憶澧上幽居

一來當復去猶此厭樊籠况我林栖子朝服坐
南宮唯獨問啼鳥還如澧水東

重九登滁城樓憶前歲九日歸澧上赴
崔都水及諸弟燕集悽然懷舊

今日重九讌去歲在京師聊廻出省步一赴郊

園期嘉節始云邁周辰已及茲秋山滿清景當
賞屬乖離凋散民里闕摧翳衆木衰樓中一長
嘯惻愴起涼颼

始夏南園思舊里

夏首雲物變雨餘草木繁池荷初帖水林花已
掃園縈叢蝶尚亂依閣鳥猶喧對此殘芳月憶
在漢陵原

登蒲塘驛泇路見泉谷村墅忽想京師
舊居追懷昔年

青山導騎遶春風行旆舒均徭視屬城問疾躬

里間煙水依泉谷川陸散樵漁忽念故園日復
憶驪山居荏苒班鬢及夢寢婚宦初不覺平生
事咄嗟二紀餘存沒闊已永悲多歡自踈高秩
非爲美闌干淚盈裾

行旅十首

經函谷關

洪河絕山根單軌出其側萬古爲要樞往來何
時息秦皇旣恃險海內被吞食及嗣同覆顛咽
喉莫能塞炎靈詎西駕婁子非經國徒欲扼諸
侯不知恢至德聖朝及天寶豺虎起東北下沉

戰死魂上結窮冤色古今雖共守成敗良可識
藩屏無俊賢金湯獨何力馳車一登眺感慨中
自惻

經武功舊宅

茲邑昔所遊嘉會常在目歷載俄二九始往今
來復感感居人少茫茫野田綠風雨經舊墟毀
垣迷往躅門臨川流駛樹有羈雌宿多累恒悲
往長年覺時速欲去中復留徘徊一作結心曲

往雲門郊居塗經迴流作

茲晨廼休暇適往田家廬原谷經塗澁春陽草

木敷纔遵板橋曲復此清澗紆崩壑方見射迴
流忽已舒明滅泛孤景杳靄含夕虛無將爲邑
志一酌澄波餘

乘月過西郊渡

遠山含紫氛春野靄云暮值此歸時月留連西
澗渡謬當文墨會得與羣英遇賞逐亂流翻心
將清景悟行車儼未轉芳草空盈步已舉候亭
火猶愛村原樹還當守故局悵悵恨乘幽素

晚歸澧川

凌霧朝閭闔落日返清川簪組方暫解臨水一

脩然昆弟忻來集童稚滿眼前適意在無事携
手望秋田南嶺橫爽氣高林繞遙阡野廬不鋤
理翳翳起荒煙名秩斯逾分廉退媿不全已想
平門路晨騎復言旋

授衣還田里

公門懸甲令澣濯遂其私晨起懷愴恨野田寒
露時氣收天地廣風淒草木衰山川始重疊川
淺更逶迤煙火生閭里禾黍積東菑終然可樂
業時節一來斯

夕次盱眙縣

落帆逗一作透淮鎮停舫臨孤驛浩浩風起波冥冥
日沉夕人歸山郭暗鴈下蘆洲白獨夜憶秦關
聽鐘未眠客

春月觀省屬城始憩東西林精舍

因時省風俗布惠迨高年建隼出潯陽整駕遊
山川白雲斂晴壑羣峯列遙天嶽崎石門狀杳
靄香爐煙榛荒屢冒罍遙側殆覆顛方臻釋氏
廬時物屢華妍曇遠昔經始於茲闕幽立東西
竹林寺灌注寒澗泉人事既云泯歲月復已綿
殿宇餘丹紺磴閣峭欹懸佳士亦棲息善身絕
塵緣今我蒙朝寄教化敷里鄺道妙苟爲得出
處理無偏心當同所尚跡豈辭纏牽

自蒲塘驛迴駕經歷山水

館宿風雨滯始晴行蓋轉潯陽山水多草木俱
紛衍崎嶇緣碧澗蒼翠踐苔蘚高樹夾潺湲崩
石橫陰巘野杏依寒拆餘雲冒嵐淺性愜形豈
勞境殊路遺緬憶昔終南下佳遊亦屢展時禽
下流暮紛思何由遣

山行積雨歸塗始霽

攬轡窮登降陰雨遘二旬但見白雲合不睹巖

中春急澗豈易揭峻塗良難遵深林猿聲冷沮
洳虎跡新始霽升陽景山水閱清晨雜花積如
霧百卉萋已陳鳴騶屢驤首歸路自忻忻

感嘆三十二首

傷逝

此後歎逝哀傷十九首盡同
德精舍舊居傷懷時所作

染白一爲黑焚木盡成灰念我室中人逝去亦
不迴結髮二十載賓敬如始來提携屬時屯契
闊憂患災柔素亮爲表禮章夙所該仕公不及
私百事委令才一旦入閨門四屋滿塵埃斯人
既已矣觸物但傷摧單居移時節泣涕撫嬰孩

知妄謂當遣臨感要難裁夢想忽如睹驚起復
徘徊此心良無已遶屋生蒿萊

往富平傷懷

晨起凌嚴霜慟哭臨素帷駕言百里塗惻愴復
何爲昨者仕公府屬城常載馳出門無所憂返
室亦熙熙今者掩筠扉但聞童稚悲丈夫須出
入顧爾內無依銜恨已酸骨何況苦寒時單車
路蕭條回首長逶遲飄風忽截野嘹唳鴈起飛
昔時同往路獨往今詎知

出還

昔出喜還家今還獨傷意入室掩無光銜哀寫
虛位悽悽動幽幔寂寂驚寒吹幼女復何知時
來庭下戲咨嗟日復老錯莫身如寄家人勸我
餐對桺空垂淚

冬夜

杳杳日云夕鬱結誰爲開單衾自不煖霜霰已
皚皚晚歲淪夙志驚鴻感深哀深哀當何爲桃
李忽凋摧幃帳徒自設冥冥豈復來平生雖恩
重遷去託窮埃抱此女曹恨顧非高世才振衣
中夜起河漢尚徘徊

送終

奄忽逾時節日月獲其良蕭蕭車馬悲祖載發
中堂生平同此居一旦異存亡斯須亦何益終
復委山岡行出國南門南望鬱蒼蒼日入乃云
造慟哭宿風霜晨遷俯立廬臨訣但遑遑方當
永潛翳仰視日光俯仰遽終畢封樹已荒涼
獨留不得還欲去結中腸童稚知所失啼號捉
我裳即事猶蒼卒歲月始難忘

除日

思懷耿如昨季月已云暮忽驚年復新獨恨人

成故冰池始泮綠梅援一作梢還飄素淑景方轉延
朝朝自難度

對芳樹

迢迢芳園樹列映清池曲對此傷人心還如故
時綠風條洒餘霽露葉承新旭佳人不再攀下
有往來躅

月夜

皓月流春城華露積芳草坐念綺窓空翻傷清
景好清景終若斯傷多人自老

歎楊花

空蒙不自定況值暄風度舊賞逐流年新愁忽
盈素纒縈下苑曲稍滿東城路人意有悲歡時
芳獨如故

過昭國里故第

不復見故人一來過故宅物變知景暄心傷覺
時寂池荒野筠合庭綠幽草積風散花意謝鳥
還一作啼山光夕宿昔方同賞詎知今念昔緘室在
東廂遺器不忍覲柔翰全分意芳巾尚染澤殘
工委筐篋餘素經刀尺收此還我家將還復愁
惕永絕携手歡空存舊行迹冥冥獨無語杳杳

將何適唯思今古同時緩傷與歲

夏日

已謂心苦傷如何日方永無人不晝寢獨坐山中靜悟澹將遣慮學空庶遺境積俗易爲侵愁來復難整

端居感懷

沉沉積素抱婉婉屬之子永日獨無言忽驚振衣起方如在幃室復悟永終已稚子傷恩絕盛時若流水暄涼同寡趣朗晦俱無理寂性常喻人滯情今在已空房欲云暮巢鷺亦來止夏木

遽成陰綠苔誰復履感至竟何方幽獨長如此

悲紈扇

非關秋節至詎是恩情改掩嘔人已無委篋涼空在何言永不發暗使銷光彩

閑齋對雨

幽獨自盈抱陰淡亦連朝空齋對高樹疎雨共蕭條巢鷺翻泥濕蕙花依砌消端居念往事倏忽苦驚颿

林園晚霽

雨歇見青山落日照林園山多一作夕煙鳥亂林清

風景翻提携唯子弟蕭散在琴言同遊不同意
耿耿獨傷魂寂寞鍾已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒
雨滴微風時動牖殘燈尚留壁惆悵平生懷偏
來委今夕
霜露已淒漫星漢復昭回朔風中夜起驚鴻千
里來蕭條涼葉下寂寞清砧哀歲晏仰空宇心
事若寒灰

感夢

歲月轉蕪漫形影長寂寥髣髴覲微夢感嘆起
中宵綿思霑流月驚魂颯迴颯誰念茲夕永坐
令顏鬢凋

同德精舍舊居傷懷

洛京十載別東林訪舊扉山河不可望存沒意
多違時遷跡尚在同去獨來歸還見窓中鴿日
暮遶庭飛

悲故交

白壁衆求瑕素絲易成汙萬里顛沛還高堂已
長暮積憤方盈抱纏哀忽逾度念子從此終黃

泉竟誰訴一為時事感豈獨平生故唯見荒丘
原野草塗朝露

張彭州前與緱氏馮少府各惠寄一篇
多故未荅張已云沒因追哀叙事兼遠

簡馮生

君昔掌文翰西垣復石渠朱衣乘白馬輝光照
里間余時忝南省接讌媿空虛一別守茲郡蹉
跎歲再除長懷關河表永日簡牘餘郡中有方
塘涼閣對紅蕖金玉蒙遠貺篇詠見吹噓未荅
平生意已沒九原居秋風吹寢門長慟涕漣如

覆視緘中字奄為昔人書髮鬢已云白交友日
彫踈馮生遠同恨憔悴在田廬

東林精舍見故殿中鄭侍御題詩追舊
書情涕泗橫集因寄呈閣澧州馮少府

仲月景氣佳東林一登歷中有故人詩淒涼在
高壁精思長懸一作懷世音容已歸寂墨澤傳灑餘
磨滅親翰跡平生忽如夢百事皆成昔結騎京
華年揮文篋笥積朝廷重英彥時輩分珪璧永
謝栢梁陪獨闕金門籍方嬰存沒感豈暇林泉
適雨餘山景寒風散花光夕新知雖滿堂故情

誰能覲唯當同時友緘寄空悽感

同李二過亡友鄭子故第

李與之故非予所識

客車名未滅沒世恨應長斜月知何照幽林判
自芳故人驚逝水寒雀噪空牆不是平生舊遺
蹤要可傷

話舊

亭中對兄弟話蘭陵崇賢懷真已來故事泫然而作

存亡三十載事過悉成空不惜霑衣淚併話一

宵中

至開化里壽春公故宅

寧知府中吏故宅一徘徊歷階存往敬瞻位泣

餘哀廢井沒荒草陰牖生綠苔門前車馬散非
復昔時來

睢陽感懷

豺虎犯天綱昇平無內備長驅陰山卒略踐三
河地張侯本忠烈濟世有深智堅壁梁宋間遠
籌吳楚利窮年方絕輸鄰援皆携貳使者哭其
庭救兵終不至重圍雖可越藩翰諒難弃飢喉
待危巢懸命中路墜甘從鋒刃斃莫奪堅貞志
宿將降賊庭儒生獨全義空城唯白骨同往無
賤貴哀哉豈獨今千載當歔歔

廣德中洛陽作

生長太平日不知太平歡今還洛陽中感此方
苦酸飲藥本攻病毒腸翻自殘王師涉河洛玉
石俱不完時節屢遷斥山河長鬱盤蕭條孤煙
絕日入空城寒蹇劣乏高步緝遺守微官西懷
咸陽道躑躅心不安

閶門懷古

獨鳥下高樹遙知吳苑園淒涼千古事日暮倚
閶門

感事

霜雪皎素絲何意墜墨池青蒼猶可濯黑色不
可移女工再三嘆委弃當此時歲寒雖無褐機
杼誰肯施

感鏡

鑄鏡廣陵市菱花匣中發宿昔嘗許人鏡成人
已没如冰結圓器類璧無絲髮形影終不臨清
光殊不歇一感平生言松枝樹秋月

歎白髮

還同一葉落對此孤鏡曉絲縷乍難分楊花復
相遶時役人易衰吾年白猶少

韋蘇州集卷第六

丁巳正月二十三日校

光叔不婚一風平土言林外掛林日

已此吹水餘圓器賦無絲髮沃潔然不調青

翰餘黃刻中菱芬國中發而甘滑信人難為人

風

林結首

可參女二井三期委辛常北和寒輒無麻

露雪如素絲何意整墨出青蒼醉可歸黑色不

韋蘇州集卷第七

蘇州刺史韋。應物

登眺十五首

登高望洛城作一首

同德寺閣集眺一首

登寶意寺上方舊遊一首

登樂遊廟作一首

登西南岡卜居遇雨尋竹浪至澧孺縈

帶數里清流茂樹雲物可賞一首

澧土與幼遐月夜登西岡翫花一首

臺上遲客一首

登樓一首

善福寺閣一首

樓中月夜一首

寒食後北樓作一首

西樓一首

夜望一首

晚登郡閣一首

登重玄寺閣一首

遊覽五十八首

觀早朝一首

陪元侍御春遊一首

遊龍門香山泉一首

龍門遊眺一首

洛都遊寓一首

再遊龍門懷舊侶一首

莊嚴精舍遊集一首

府舍月遊一首

任鄴令漢陂遊眺一首

西郊遊矚一首

再遊西郊渡一首

月溪與幼遐君貺同遊一首

與幼遐君貺兄弟同遊白家竹潭一首

秋夕西齋與僧神靜遊一首

觀田家一首

園亭覽物一首

觀豐水漲一首

陪王卿郎中遊南池一首

南園陪王卿遊矚一首

遊西山一首

春遊南亭一首

再遊西山一首

遊靈巖寺一首

與盧陟同遊永定寺北池僧齋一首

遊溪一首

遊開元精舍一首

襄武館遊眺一首

秋景詣瑯琊精舍一首

同韓郎中閑庭南望秋景一首

慈恩精舍南池作一首

雨夜宿清都觀一首

善福精舍秋夜遲諸君一首

東郊一首

秋郊一首

行寬禪師院一首

神靜師院一首

精舍納涼一首

藍嶺精舍一首

道晏寺主院一首

義演法師西齋一首

澄秀上座院一首

至西峯蘭若受田婦饋一首

曇智禪院一首

起渡律師同居東齋院一首

遊瑯琊山寺一首

同越瑯琊山一首

詣西山深師一首

尋簡寂觀瀑布一首

簡寂西澗瀑布下作一首

遊南齋一首

南園一首

西亭一首

夏景園廬一首

夏至避暑北池一首

題從姪成緒西林精舍書齋一首

題鄭弘憲侍御遺愛寺草堂一首

同元錫題瑯琊寺一首

題鄭拾遺草堂一首

登眺十五首

登高望洛城作

高臺造雲端遐瞰周四垠雄都定鼎地勢據萬

國尊河岳出雲雨土圭酌乾坤舟通一作盈南越貢

城背北邙原帝宅夾清洛丹霞捧朝暎葱蘢瑤

臺榭窈窕雙闕門十載構屯難兵戈若一作久雲屯

膏腴滿榛蕪比屋空毀垣聖主乃東眷俾賢拯

元元熙熙居守化泛泛太府恩至損當一作方受益

苦寒必生溫平明四城開稍見市井喧坐感理

亂迹永懷經濟言吾生自不達空鳥何翩翩天

高水流遠日晏城郭昏徘徊訖旦夕聊用寫憂

煩

同德寺閣集眺

芳節欲云晏遊遨樂相從高閣照丹霞颺颺含
遠風寂寥氛氲廓超忽神慮空旭日霽皇州岩
堯見兩宮嵩少多秀色群山莫與崇三川浩東
注瀝澗亦來同陰陽降大和宇宙得其中舟車
滿川陸四國靡不通舊堵今旣葺庶曠亦已豐
周覽思自奮行當遇時邕

登寶意寺上方舊遊

寺在武功
曾居此寺

翠嶺香臺出半天萬家煙樹滿晴川諸僧近住
不相識坐聽微一作巖鍾記往年

登樂遊廟作

高原出東城鬱鬱見咸陽上有千載事乃自漢
宣皇王頽孺久凌遲陳迹翳丘荒春草雖復綠驚
風但飄揚周覽京城內雙闕起中央微鍾何處
來暮色忽蒼蒼歌吹喧萬井車馬塞康莊昔人
豈不爾百世同一傷一作場歸當守冲漠跡寓心自忘

登西南岡卜居遇雨尋竹浪至澧壩縈
帶數里清流茂樹雲物可賞

登高創危構林表見川流微雨颺已至蕭條川
氣秋下尋密竹盡忽曠沙際遊紆直水分野綿

延稼盈疇寒花明廢墟樵牧笑榛丘雲水成交一作
陰澹竹樹更清幽適自戀佳賞一作憇心賞復茲永
日留又一作幽賞

灋上與幼遐月夜登西岡翫花

置酒臨高隅佳人自城闕已翫滿川花還看滿
川月花月方浩然賞心何由歇

臺上遲客

高臺一悄一作聊望遠樹間朝暉但見東西騎端令
心賞違始霽郊園綠暮春啼鳥稀徒然對方物
何能獨醉歸

登樓

茲樓日登眺流歲暗蹉跎坐厭淮南守秋山紅
樹多

善福寺閣

殘霞照高閣青山出遠林晴明一登望蕭洒此
幽襟

樓中月夜

端令倚懸檻長望抱沉憂寧知故園月今夕在
茲樓衰蓮送餘馥華露湛新秋坐見蒼林變清
輝愴已休一作收

寒食後北樓作

園林過新節風花亂高閣遙聞擊鼓聲蹴踘軍
中樂

西樓

高閣一長望故園何日歸煙塵擁一作函谷秋鴈
過來稀

夜望

南樓夜已寂暗鳥動林間不見城郭事沉沉唯
四山

晚登郡閣

悵然高閣望已掩東城關春風偏送柳夜景欲
沉山

登重玄寺閣

時暇陟雲構晨霽澄景光始見吳都一作郡大十里
鬱蒼蒼山川表明麗湖海吞大荒合沓臻水陸
駢闐會四方俗繁節又暄雨順物亦康禽魚各
翔泳草木遍芬芳於茲省畔俗一用勸農桑誠
知虎符忝但恨歸路長

遊覽五十八首

觀早朝

伐鼓通嚴城車馬溢廣躔煌煌列明燭朝服照
華鮮金門杳深沉尚聽清漏傳河漢忽已沒司
闈啓晨關丹殿據龍首崔嵬對南山寒生千門
裏日照雙闕間禁旅下成列鑪香起中天輝輝
覩明聖濟濟行音航俊賢媿無鴛鴦姿短翮空飛
還誰當假毛羽雲路相追攀

陪元侍御春遊

何處醉春風長安西復東不因俱罷職豈得此
時同貫酒宣平里尋芳下苑中往來楊柳陌猶
避昔年驄

遊龍門香山泉

山水本自佳遊人已忘慮碧泉更幽絕賞愛未
一作不能去潺湲寫幽磴繚繞帶一作對嘉樹激轉忽殊
流歸泓又同注羽觴自成一作代翫永日亦延趣靈
草有時香仙一作山源不知處還當候圓月携手重
遊寓

龍門遊眺

鑿山導伊流中斷若天闕都門遙相望佳氣生
朝夕素懷出塵意適有携手客精舍遶一作繚層阿
千龕鄰一作鱗峭壁緣雲路猶緬憩澗鍾已寂花樹

發煙華淙流散石脉長嘯招遠風臨潭漱金碧
日落望都城人間何役役

一作徘徊悵還
駕城關多物役

洛都遊寓

東風日已和元化亮無私草木同時植生條有
高卑罷官守園廬豈不懷渴飢窮通非所干跼
促當何為佳辰幸可遊親友亦相追朝從華林
宴暮返東城期掇英出蘭臯翫月步川坻軒冕
誠可慕所憂在繫維

再遊龍門懷舊侶

嘗與竇黃州洛陽韓丞湏
池李丞密鄭二尉同遊

兩山鬱相對晨策方上干靄靄眺都城悠悠俯

清瀾邈矣二三子茲焉屢遊盤良時忽已周獨
往念前歡好鳥始云至衆芳亦未闌遇物豈殊
昔慨傷自有端

莊嚴精舍遊集

良遊因時暇乃在西南隅綠煙凝層城豐草滿
通衢精舍何崇曠煩跼一弘舒架虹施廣蔭構
雲眺八區即此塵境遠忽聞幽鳥殊新林一作秋泛
景光叢綠含露濡永日亮難遂平生少歡娛誰
能遽還歸幸與一作得高士俱

府舍月遊

官舍一作寺耿深夜佳月喜同遊橫河俱半落泛露
忽驚秋散彩踈群樹分規澄素流心期與浩景
蒼蒼殊未收

任鄴令羨陂遊眺

野水灑長塘煙花亂晴日氛氳綠樹多蒼翠千
山出遊魚時可見新荷尚未密屢往心獨閑恨
無理人術

西郊遊矚

東風散餘沍陂水淡已綠一本作綠煙芳何處尋杳藹
春山曲新禽哢暄節晴光泛嘉木一與諸君遊

華觴忻見屬

再遊西郊渡

水曲一追遊遊人重懷戀嬋娟昨夜月還向波
中見驚禽棲不定流芳寒未徧携手更何時佇
看花似霰

月溪與幼遐君貺同遊

時三子還城

岸篠覆迴溪迴溪曲如月沉沉水容綠寂寂流
鶯歇一作鶯初歇淺石方凌亂遊禽時出沒半雨夕陽
霏綠源雜花發明晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深
潭黑密竹已成暮歸雲殊未極春鳥依谷暄紫
蘭含幽色已將芳景遇復款平生憶終念一歡
別臨風還默默

秋夕西齋與僧神靜遊

晨登西齋望不覺至夕曛正當秋夏交原野起
煙氛坐聽涼飈舉華月稍披雲漠漠山猶隱灩
灩川始分物幽夜更殊境靜興彌臻息機非傲
世干時乏嘉聞究空自爲理況與釋子群

觀田家

微雨衆卉新一雷驚蟄始田家幾日閑耕種從
此起丁壯俱在野場圃亦就理歸來景常晏飲
犢西澗水飢劬不自苦膏澤且爲喜倉廩無宿
儲徭役猶未已方慙不耕者祿食出閭里

園亭覽物

積雨時物變夏綠滿園新殘花已落實高笋半
成筠守此幽棲地自是忘機人

觀澧水漲

夏雨萬壑湊澧漲一作流暮渾渾草木盈川谷澶漫
一平吞槎梗方瀾泛濤沫亦洪翻北來注涇渭

所過無安源雲嶺同昏黑觀望悸心魂舟人空
斂棹風波正自奔

陪王卿郎中遊南池

鷓鴣俱失侶同爲此地遊露浥荷花氣風散柳
園秋煙草凝衰嶼星漢泛歸流林高初上月塘
深未轉舟清言屢往復華樽始獻酬終憶秦川
賞端坐起離憂

南園陪王卿遊囑

形跡雖拘檢世事澹無心郡中多山水日夕聽
幽禽几閣文墨暇園林春景深雜花芳意散綠

池暮色沉君子有高躅相携在幽尋一酌何爲
貴可以寫冲襟

遊西山

時事方擾擾幽賞獨悠悠弄泉朝涉澗采石夜
歸州揮翰題蒼峭下馬歷嵌丘所愛唯山水到
此即淹留

春遊南亭

川明氣已變巖寒雲尚擁南亭草心綠春塘泉
脉動景煦聽禽響雨餘看柳重逍遙池館華益
媿專城寵

再遊西山

南譙古山郡信是高人居自歎之弘量終朝親
簿書於時忽命駕秋野正蕭疎積逋誠待責尋
山亦有餘測測石泉冷曖曖煙谷虛中有釋門
子種果一作藥結茅廬出身厭名利遇境即躊躇守
直雖多忤視險方晏如況將塵埃外襟抱從此
舒

遊靈巖寺

始入松路永獨忻山寺幽不知臨絕檻乃見西
江流吳岫分煙景楚甸散林丘方悟開塞眇重

軫故園愁聞鍾戒歸騎憩澗惜良遊地踈泉谷
狹春深草木稠茲焉賞未極清景一作澹期杪秋

與盧陟同遊永定寺北池僧齋

密竹行已遠子規啼更深綠池芳草氣閑齋春
樹陰晴蝶飄蘭徑遊蜂遶花心不遇君携手誰
復此幽尋

遊溪

野水煙鶴唳楚天雲雨空翫舟清景晚垂釣綠
蒲中落花飄旅衣歸流澹輕風綠源不可極遠
樹但青葱

遊開元精舍

夏衣始輕體遊步愛僧居
果園新雨後香臺照日初
綠陰生晝靜一作寂孤花表春餘
符竹方為累形跡一來踈

襄武館遊眺

州民知禮讓訟簡得遨遊
高亭憑古地山川當暮秋
是時秔稻熟四望盡田一作平疇
仰恩慚政拙念勞喜歲收
澹泊風景晏繚繞雲樹幽
節往情惻惻天高思悠悠
嘉賓幸雲集芳罇始淹留
還

希習池賞

一作還喜曲池濱

聊以駐鳴騶

秋景詣瑯瑯精舍

屢訪塵外跡未窮幽賞情
高秋天景遠始見山水清
上陟巖殿憩暮看雲壑平
蒼茫寒色起迢遞晚鍾鳴
意有清夜戀身為符守嬰
悟言一作方愛緇衣子蕭洒中林行

同韓郎中閑庭南望秋景

朝下抱餘素地高心本閑
如何趨府客罷秩見秋山
踈樹共寒意遊禽同暮還
因君悟清景西望一開顏

慈恩精舍南池作

清境豈云遠炎氛忽如遺重門布綠陰菡萏滿
廣池石髮散清淺林光動連漪綠崖摘紫房扣
檻集靈龜浥浥餘露氣馥馥幽襟披積喧忻物
曠耽翫覺景馳明晨復趨府幽賞當反思

雨夜宿清都觀

靈颯動閶闔微雨洒瑤林復此新秋夜高閣正
沉沉曠歲恨殊跡茲夕一披襟洞戶含涼氣網
軒構層陰況自展良友芳樽遂盈斟適悟委前
妄清言怡道心豈戀腰間綬如彼籠中禽

善福精舍秋夜遲諸君

廣庭獨閑步夜色方湛然丹閣已排雲皓月更
一作高懸繁露降秋節蒼林鬱芊芊仰觀天氣涼
高詠古人篇撫已亮無庸結交賴群賢屬予翹
思時方子中夜眠相去隔城闕佳期屢徂一作遷
如何日夕待見月三四圓

東郊

吏舍跼終年出郊曠清曙楊柳散和風青山澹
吾慮依叢適自憩綠澗還復去微雨霽芳原春
鳩鳴何處樂幽心屢止遵事跡猶遽終罷斯一作期
結廬慕陶真可庶

秋郊作

清露澄境遠旭日照林初一望秋山淨蕭條形
迹踈登原忻時稼采菊行故墟方願沮溺耦淡
泊守田廬

行寬禪師院

北望極長廊斜扉映一作掩叢竹亭午一來尋院幽
僧亦獨唯聞山鳥啼愛此林下宿

神靜師院

青苔幽巷徧新林露氣微經聲在深竹高齋獨
掩扉憩樹愛嵐嶺聽禽悅朝暉方耽靜中趣自

與塵事違

精舍納涼

山景寂已晦野寺變蒼蒼夕風吹高殿露葉散
林光清鍾始戒夜幽禽尚歸翔誰復掩扉卧不
詠南軒涼

藍嶺精舍

石壁精舍高排雲聊直上佳遊愜始願忘險得
前賞崖傾景方晦谷轉川如掌綠林含蕭條飛
閣起弘敞道人上方至深夜還獨往日落群山
陰天秋百泉響所嗟累已成安得長偃仰

道晏寺主院

北隣有幽竹潛筠穿我廬往來地既密心樂道
者居殘花迴往節輕條蔭夏初聞鍾北窓起嘯
傲永日餘

義演法師西齋

結茅臨絕岸隔水聞清磬山水曠蕭條登臨散
情性稍指緣原騎還尋汲澗徑長嘯倚亭樹悵
然川光暝

澄秀上座院

繚繞西南隅鳥聲轉幽靜秀公今不在獨禮高

僧影林下器未收何人適煮茗

至西峯蘭若受田婦饋

攀崖復緣澗遂造幽人居鳥鳴泉谷暖土起萌
甲舒聊登石樓憩下翫潭中魚田婦有嘉獻潑
撒新歲餘常恠投錢飲事與賢達踈今我何爲
荅鰥寡欲焉如

曇智禪師院

高年不復出門徑一作援衆草生時夏方新雨果藥
發餘榮踈澹下林景流暮幽禽情身名兩俱遣
獨此野寺行

起度律師同居東齋院

釋子喜相偶幽林俱避喧安居同僧夏清夜諷
道言對閣景恒晏步庭陰始繁道遙無一事松
風入南軒

遊瑯琊山寺

受命恤人隱茲遊久未遑鳴騶響幽澗一作谷前旌
耀崇岡青冥臺砌寒綠縹草木香填壑躋花界
疊石構雲房經製隨巖轉繚繞豈定方新泉泄
陰壁高蘿蔭綠塘攀林一栖止飲水得清涼物
累誠可遣疲疇終未忘還歸坐郡閣但見山蒼

蒼

同越瑯琊山

趙氏生辟強

石門有雪無行跡松壑凝煙滿衆香餘食施庭
寒鳥下破衣掛樹老僧亡

詣西山深師

曹溪舊弟子何緣住此山世有征戰事心將流
水閑掃林驅虎出宴坐一林閒藩守寧爲重擁
騎造雲關

尋簡寂觀瀑布

躡石歎危過急澗攀崖迢遞弄懸泉猶將虎竹

爲身累欲付歸人絕世緣

簡寂觀西澗瀑布下作

深一作深流絕壁散虛煙翠澗深叢際松風起飄來
灑塵襟窺蘿翫猿鳥解組傲雲林茶果邀真侶
觴酌洽同心曠歲懷茲賞行春始重尋聊將橫
吹曲一寫山水音

遊南齋

池上鳴佳禽僧齋日幽寂高林晚露清紅藥無
人摘春水不生煙荒岡筠斨石不應朝夕遊良
爲蹉跎客

南園

清露夏天曉荒園野氣通水禽遙泛雪池蓮迴
披紅幽林詎知暑環舟似不窮頓灑塵喧意長
嘯滿襟風

西亭

亭宇麗朝景簾牖散暄風小山初構石珎樹三
然紅弱藤已扶援幽蘭欲成叢芳心幸如此佳
人時不同

夏景園廬

群木晝陰靜北窓涼氣多閑居逾時節夏雲已

嵯峨寒葉愛繁綠綠澗弄驚波豈爲論夙志對
此青山阿

夏至避暑北池

晝晷已云極宵漏自此長未及施政教所憂變
炎涼公門日多暇是月農稍忙高居念田里苦
熱安可當亭午息群物獨遊愛方塘門閉陰寂
寂城高樹蒼蒼綠筠尚含粉圓荷始散芳於焉
洒煩抱可以對華觴

題從姪成緒西林精舍書齋

棲身齒一作始多暮息心君獨少慕謝始精文依僧

欲觀妙洌泉前堦注清池北窓照果藥雜芬敷
松筠踈蒨峭屢躋幽人境每肆芳辰眺採栗玄
猿窟擷芝丹林嶠紵衣豈寒禦蔬食非飢療雖
甘巷北單一作簞豈塞青紫耀郡有優賢榻朝編貢
士詔欲同一作求朱輪載勿憚移文誚

題鄭弘憲侍御遺愛草堂

居士近依僧青山結茅屋踈松映嵐晚春池含
苔綠繁華冒陽嶺新禽響幽谷長嘯攀喬林慕
茲高世躅

同元錫題瑯琊寺

適從郡邑喧又茲三伏熱山中清景多石罅寒
 泉潔花香天界事松竹人間別殿分嵐嶺明磴
 臨懸一作壑絕昏旭窮陟降幽顯盡披閱嶽一作駭
 風雨區安知龍蛇穴情虛澹泊生境寂塵妄滅
 經世豈非道無為厭車一作轍一作歸轍

題鄭拾遺草堂

借地結茅棟橫竹掛朝衣秋園雨中綠幽居塵
 事違陰一作涼井夕蟲亂高林霜果稀子有白雲意
 構此想巖扉

韋蘇州集卷第七

正月二十三日再畢山表

韋蘇州集卷第八

蘇州刺史韋 應物

雜興八十九首

詠玉一首

詠露珠一首

詠水精一首

詠珊瑚一首

詠瑠璃一首

詠琥珀一首

詠曉一首

詠水精一行

詠夜一首

詠聲一首

任洛陽丞請告一首

縣齋一首

晚出府舍與獨孤兵曹令狐士曹南尋

朱雀街歸里第一首

休暇東齋一首

夜直省中一首

郡內閑居一首

燕居即事一首

幽居一首

野居書情一首

郊居言志一首

夏景端居即事一首

始至郡一首

郡中西齋一首

新理西齋一首

曉坐西齋一首

郡齋卧疾絕句一首

寓居永定精舍一首

永定寺喜辟強夜至一首

野居一首

同褒子秋齋獨宿一首

餌黃精一首

昭國里第聽元老師彈琴一首

野次聽元昌奏橫吹一首

樓中閱清管一首

寒食一首

七夕一首

九日一首

秋夜一首

秋夜一絕

滁城對雪一首

雪中一首

此下宋本脫一題

對春雪一首

對殘燈一首

對芳罇一首

夜對流螢作一首

對新篁一首

夏花明一首

對萱草一首

見紫荊花一首

翫螢火一首

對雜花一首

種藥一首

西澗種柳一首

種瓜一首

喜園中茶生一首

移海榴一首

郡齋移杉一首

花徑一首

慈恩寺南池秋荷詠一首

題桐葉一首

題石橋一首

池上一首

滁州西澗一首

西塞山一首

山耕叟一首

上方僧一首

煙際鍾一首

大字宋本自此行起

始聞夏蟬一首

射雉一首

夜聞獨啼鳥一首

迷園鹿一首

聞鴈一首

子規啼一首

始建射侯一首

仙人祠一首

雜興八十九首

詠玉

乾坤有精物至寶無文章雕琢為世器真性一朝傷

六 詠露珠

秋荷一滴露清夜墜玄天將來玉盤上不定始

知圓

二 詠水精

映物隨顏色含空無表裏持來向明月的皦愁

成水

三 詠珊瑚

絳樹無花葉非石亦非瓊世人何處得蓬萊石

山首在瑤瑤後同

既三行

上生

詠瑠璃

有色同寒冰水無物隔纖塵象筵看不見堪將對

玉人

詠琥珀

曾為老茯苓神本是寒松液蚊蚋落其中千年猶

可覲

詠曉

軍中始吹角城上河初落深沉猶隱帷晃朗先

分閣

詠夜

明從何處去暗從何處來但覺年年老半是此

中催

詠聲

萬物自生此一作聽太空恒寂寥還從一作應靜中起却

向靜中銷

任洛陽丞請告一首

方鑿不受圓直木不為輪揆材各有用反性生
苦辛折腰非吾事飲水非吾貧休告卧空館養
病絕囂塵遊魚自成族野鳥亦有群家園杜陵

此下有仙人祠刻本在卷末

下千歲心氛氳天晴嵩山高雪後河洛春喬木
猶未芳百草日已新著書復何爲當去東臯耘

縣齋

仲春時景好草木漸舒榮公門且無事微雨園
林清泱泱水泉動忻忻衆鳥鳴閑齋始延矚東
作興庶昨即事翫文墨抱沖披道經於焉日淡
泊徒使芳樽盈

晚出府舍與獨孤兵曹令狐士曹南尋

朱雀街歸里第

分曹幸同簡聯騎方愜素還從廣陌歸不覺青

山暮翻翻鳥未沒杳杳鍾猶度尋草遠無人望
山多在路聊參世士跡嘗得靜者顧出入雖見
牽忘身緣所一作晤

休暇東齋

由來束帶士請謁無朝暮公暇及私身何能獨
閑步摘葉愛芳在捫竹伶粉污岸幘偃東齋夏
天清曉露懷仙閱真誥貽友題幽素榮達頗知
踈恬然自成度綠苔日已滿幽寂誰來顧

夜直省中

河漢有秋意南宮生早涼五漏殊杳杳雲闕更

蒼蒼華燈發新燄一作爐輕煙浮夕香顧跡知爲忝
束帶愧周行

五 郡內閑居

棲息絕塵侶孱鈍得自怡腰懸竹使符心與一作如
廬山緇永日一酣寢起坐兀無思長廊獨看雨
衆藥發幽姿今夕已云罷明晨復如斯何事能
爲累寵辱豈要辭

六 燕居即事

蕭條竹林院風雨叢蘭折幽鳥林上啼青苔人
跡絕燕居日已永夏木紛成結几閣積群書時

來北窓閑

十七 幽居

貴賤雖異等出門皆有營獨無外物牽遂此幽
居情微雨夜來過不知春草生青山忽已曙曙鳥
雀繞舍鳴時與道人偶或隨樵者行自當安蹇
劣一作拙誰謂薄世榮

六 野居書情

世事日可見身名良蹉跎尚瞻白雲嶺聊作負
薪歌

九 郊居言志

負暄衡門下望雲歸遠山但要樽中物餘事豈
相關交無是非責且得任踈頑日夕臨清澗道
遙思慮閑出去唯空屋弊簣委窻間何異林棲
鳥戀此復來還世榮斯獨已頽志一作思亦何攀唯
當歲豐熟閭里一歡顏

夏景端居即事

北齋有涼氣嘉樹對層城重門永日掩清池夏
雲生遇此庭訟簡始聞蟬初鳴逾懷故園愴默
默以緘情

始至郡

湓城古雄郡

一作鎮

橫江千里馳高樹上迢遞峻堞

繞歌危井邑煙火晚郊原草樹滋洪流蕩

一作薄北

趾崇嶺鬱南圻斯民本樂生逃逝竟何爲旱歲
屬荒歉舊逋積如坻到郡方逾月終朝理亂絲
賓朋未及醺簡牘已云疲昔賢播高風得守媿
無施豈待干戈戢且願撫惇嫠

首句鎮字一作郡

郡中西齋

似與塵境

一作世

絕蕭條齋舍秋寒花獨經雨山禽

時到州清觴養真氣玉書示道流豈將符守戀
幸以棲心幽

新理西齋

方將昨訟理久翳西齋居草木無行次閑暇一
芟除春陽土脉起膏澤發生初養條刊朽枿護
藥鋤穢一作荒蕪稍稍覺林聳歷歷忻竹踈始見庭
宇曠頓令煩抱舒茲焉即可愛何必是吾廬

曉坐西齋

藜藜城鼓動稍稍林鷗去柳意不勝春巖光已
知曙寢齋有單梯一作茅靈藥為朝茹盥漱忻景清
焚香澄神慮公門自常事道心寧易一作異處

郡齋卧疾絕句

香爐宿火滅蘭燈宵影微秋齋獨卧病誰與覆
寒衣

寓居永定精舍

蘇州

政拙忻罷守閑居初理生家貧何由往夢想在
京城野寺霜露月農興羈旅情聊租二頃田方
課子弟耕眼暗文字廢身閑道心精即與人群
遠豈謂是非嬰

永定寺喜辟強夜至

子有新歲慶獨此苦寒歸夜叩竹林寺山行雪
滿衣深爐正燃火空齋共掩扉還將一樽對無

言百事違

野居

結髮屢辭秩立身本踈慢今得罷守歸幸無世
欲患棲止且偏僻嬉遊無早晏逐兔上坡岡捕
魚緣赤澗高歌意氣在貫酒貧居慣時啓北窓
扉豈將文墨間

同襄子秋齋獨宿

山月皎如燭風霜時動竹夜半鳥驚栖窓間人
獨宿

餌黃精

靈藥出西山服食採其根九蒸換凡骨經著上
世言候火起中夜馨香滿南軒齋君感衆靈藥
術啓妙門自懷物外心豈與俗士論終期脫印
綬永與天壤存

昭國里第聽元老師彈琴

竹林高宇霜露清朱絲玉徽多故情暗識啼鳥
與別鶴祗綠中有斷腸聲

野次聽元昌奏橫吹

立馬蓮塘吹橫笛微風動柳生水波北人聽罷
淚將落南朝曲中怨更多

樓中閱清管

山陽遺韻在林端橫吹驚響迴憑高閣曲怨繞
秋城浙瀝危葉振蕭瑟涼氣生始遇茲管賞已
懷故園情

寒食

清明寒食好春園百卉開綵繩拂花去輕毬度
閣來長歌送落日緩吹逐殘杯非關無燭罷良
為羈思催

七夕

人世拘形迹別去間山川豈意靈仙偶相望亦

彌年夕衣清露濕晨駕秋風前臨權定不住當
為何所牽

九日

今朝把酒復惆悵憶在杜陵田舍時明年九日
知何處世難還家未有期

秋夜二首

暗窻涼葉動秋天一作齋寢席單憂人半夜起明月

在林端一與清景遇每憶平生歡如何方慟愴

披衣露更一作轉寒

秋夜一絕

卷二

高閣漸凝露涼葉稍飄闈憶在南宮直夜長鍾
漏稀

世九
滁城對雪

晨起滿闈雪憶朝闈闔時玉座分曙早金爐上
煙遲飄散雲臺下凌亂桂樹姿厠跡鴛鴦未踏
舞豐年期今朝覆山郡寂寞復何爲

四
雪中

空堂歲已晏密室獨安眠壓篠夜偏積覆閣曉
逾妍連山暗古郡驚風散一川此時騎馬出忽
省京華年

四二
詠春雪 二首

徘徊輕雪意似借艷陽時不悟風花冷翻令梅

柳遲

春雪滿室素綱處類花開不知園裏樹若箇是真梅

四三
對春雪

蕭肩杉松聲寂寥寒夜慮州貧人吏稀雪滿山
城曙春塘看幽谷栖禽愁未去開闈正亂流寧
辨花枝處

四四
對殘燈

獨照碧窻久欲隨寒燼滅幽人將遠眠解帶翻
成結

四十五
對芳樽

對芳樽醉來百事何足論
遙見青山始一醒欲
著接離還復昏

四十六
夜對流螢作

時節變東草物色迎新秋度月影纔散遠竹光復流
月暗竹亭幽螢光拂席流還思故園夜更度一

年秋自愜觀書興何慙秉燭遊府中徒冉冉明
發好歸休

四十七
對新篁

新綠苞初解嫩氣笋猶香含露漸舒葉抽叢稍
自長清晨止亭下獨愛此幽篁

此首在紫荆後

五十一
夏花明

夏條綠已密朱萼綴明鮮
炎炎日正午灼灼火
俱燃翻風適自亂照水復成妍
歸視窓間字熒煌滿眼前

四十九
對萱草

何人樹萱草對此郡齋幽
本是忘憂物今夕一作日
重生憂叢踈露始滴芳餘蝶尚留
還思杜陵圃離披風雨秋

四十九
見紫荆花

雜英紛已積含芳獨暮春
還如故園樹忽憶故

園人

翫螢火

時節變衰草物色近新秋
度月影纔斂繞竹光復流

對雜花

朝紅爭景新一作鮮夕素含露翻
妍姿如有意流芳復滿園
單棲守遠郡永日掩重門
不與花為偶終遣與誰言

種藥

好讀神農書多識藥草名
持縑購購山客移蒔羅

衆英不改幽澗色宛如此地生
汲井既蒙澤插援亦扶傾
陰穎夕房斂陽條夏花明
悅翫從茲始日夕繞庭行
州民自寡訟養閑非政成

西澗種柳

宰邑乖所願僂俛愧昔人
聊將休暇日種柳西澗濱
置錡息微倦臨流睇歸雲
封壤自人力生條在陽一作春
成陰豈自取為茂屬佗辰
延詠留佳賞山水變夕曛

種瓜

率性方鹵莽理生尤自踈
今年學種瓜園圃多

荒蕪衆草同雨露新苗獨翳如直以春拮迫過
時不得鋤田家笑枉費日夕轉空虛信非吾儕
事且讀古人書

五十六

喜園中茶生

潔性不可汙爲飲滌塵煩此物信靈味本自出
山原聊因理郡餘率爾植荒園喜隨衆草長得
與幽人言

五十七

移海榴

葉有苦寒色山中霜霰多雖此蒙陽景移根意
如何

五十八

郡齋移杉

櫂榦方數尺幽姿已蒼然結根西山寺來植郡
齋前新含野露氣稍靜高窓眠雖爲賞心遇豈
有崑中緣

花徑

此首元字無

山花夾徑幽古甃生苔澁胡床理事餘玉琴承
露濕朝與詩人賞夜携禪客入自是塵外蹤無
令吏趨急

五十九

慈恩寺南池秋荷詠

對殿含涼氣裁規覆清沼衰紅受露多餘馥依

煙降鐘
隱、起何處迤、送落暉蒼
茫隨思遠蕭散逐一作煙微
秋野寂云一作海望山僧獨歸

人少蕭蕭遠塵跡颯颯凌秋曉節謝客來稀迴塘方獨遶

題桐葉

參差剪綠綺蕭灑覆瓊柯憶在灃東寺偏書此葉多

題石橋

遠學臨海嶠橫此莓苔石郡齋三四峯如有靈仙一作山跡方愁暮雲滑始照寒池碧自與幽人期逍遙竟朝夕

池上

郡中卧病久池上一來賒榆柳飄枯葉風雨倒橫查

滁州西澗

獨憐幽一作芳草澗邊生一作行上有黃鸝深樹鳴春潮帶雨晚來急野渡無人舟自橫

西塞山

勢從千里奔直入江中斷嵐橫秋塞雄地束驚流滿

山耕叟

蕭蕭垂白髮默默詎知情獨放寒林燒多尋虎

跡行暮歸何處宿來此空山耕

上方僧

見月出東山上
方高處禪空林
無宿火獨夜汲
寒泉不下藍溪
寺今年一作三十年

煙際鍾

隱隱起何處
迢迢送落暉
蒼茫隨思遠
蕭散逐

一作煙微秋野寂
云一作晦望山僧獨歸

始聞夏蟬

徂夏暑未晏
蟬鳴景已曛
一聽知何處
高樹但
侵雲響悲遇
衰齒節謝屬
離群還憶郊
園日獨

此首無

此首自梧山耕叟後

此首在園鹿後

向澗中聞

射雉

走馬上東岡
朝日照野田
野田雙雉起
翻射斗
迴鞭雖無百
發中聊取一
笑妍羽分繡
臆碎頭
一作頸
弛錦鞘懸
方將悅羈旅
非關學少年
弰弓一
長嘯憶在灞
城阡

夜聞獨鳥啼

失侶度山覓
投林舍北啼
今將獨夜意
偏知對
影栖

述園鹿

此首在鷓鴣後

此首在園鹿後

六十二

此首在子規後

向雁後有鷓鴣一首

此首在獨啼鳥後

此首在射獵後

此首在詠琥珀後
此首無

野性本難畜翫習亦逾年麀班始力直麀角已
蒼然仰首嚼園柳俯身飲清泉見人若閑暇蹙
起忽低騫茲獸有高貌凡類寧比肩不得遊山
澤跼促誠可憐

聞鴈

故園渺何處歸思方悠哉淮南秋雨夜高齋聞
鴈來

子規啼

高林滴露夏夜清南山子規啼一聲鄰家孀婦
抱兒泣我獨展轉何時明一作何為情

始建射侯

男子本懸弧有志在四方虎竹忝明命熊侯始
張皇賓登時事畢諸將備戎裝星飛的屢破鼓
譟武更揚曾習鄒魯學亦陪鴛鴦翔一朝願投
筆世難激中腸

仙人祠

倉岑古仙子清廟閔華容千載去寥廓白雲遺
舊蹤歸來灞陵上猶見最高峯

鷓鴣

可憐鷓鴣飛向樹南枝南枝日照暖北枝霜露滋露滋不堪棲使我夜常啼
願逢雪中鶴銜我向家願作城井島十年生九鷓何不舊巢住枝弱不得
若去不意道苦辛客子常畏人

韋蘇州集卷第八

同日校
甲子元月下院据大字本按反好

山入臥

山入臥

長安道一首
行路難一首
橫塘行一首
貴遊行一首
酒肆行一首
相逢行一首
烏引鷓一首

韋蘇州集卷第九

蘇州刺史韋 應物

歌行上三十二首

長安道一首

行路難一首

橫塘行一首

貴遊行一首

酒肆行一首

相逢行一首

烏引鷓一首

九
鳶奪巢一首

驚銜泥一首

鞞鼓行一首

古劍行一首

金谷園歌一首

溫泉行一首

學仙二首

廣陵行一首

萼綠華歌一首

王母歌一首

馬明生遇神女歌一首

石鼓歌一首

寶觀主白鸚鵡歌一首

彈碁歌一首

歌行上二十二首

長安道

漢家宮殿含雲煙兩宮十里相連延晨霞出沒
弄丹闕春雨依微自甘泉春雨依微春尚早長
安貴遊愛芳草寶馬橫來下建章香車却轉避
馳道貴遊誰最貴衛霍世難比何能蒙主恩幸

遇邊塵起歸來甲第拱皇居朱門峩峩臨九衢
中有流蘇合歡之寶帳一百二十鳳凰羅列含
明珠下有錦鋪翠被之粲爛博山吐香五雲散
麗人綺閣情飄飄頭上鴛釵雙翠翹低鬟曳袖
迴春雪聚黛一聲愁碧霄山珍海錯弃籩籩烹
犢魚羔如折葵旣請列侯封部曲還將金印授
廬兒歡榮若此何所苦但苦白日西南馳

行路難

一云連環歌

荆山之白玉兮良工凋琢雙環連月蝕中央鏡
心穿故人贈妾初相結恩在環中尋不絕人情
厚薄苦須臾昔似連環今似玦連環可碎不可
離如何物在人自移上客勿遽歡聽妾歌路難
旁人見環環可憐不知中有長恨端

橫塘行

妾家住橫塘夫聳邠家郎玉盤的歷矢白魚寶
簞玲瓏透象牀象牀可寢魚可食不知郎意何
南北岸上種蓮豈得生池中種蓮豈得成丈夫
一去花落樹妾獨夜長心未平

貴遊行

漢帝外家子恩澤少封侯垂楊拂白馬曉日上

青樓上有顏如玉高情世非無儔輕裾含碧煙
窈窕似雲浮良時無還景促節爲我謳忽聞艷
陽曲四坐亦已柔賓友仰稱歎一生何所求平
明擊鍾食入夜樂未休風雨憇歲候兵戈橫九
州焉知坐上客草草心所憂

五 酒肆行

豪家沽酒長安陌一旦起樓高百尺碧疏玲瓏
含春風銀題彩幟邀上客迴瞻丹鳳闕直視樂
遊苑四方稱賞名已高五陵車馬無近遠晴景
悠揚三月天桃花飄俎柳垂筵繁絲急管一時

合他壚隣肆何寂然主人無厭歌且專利百斛須
史一壺一作囊費初釀後薄爲大偷飲者知名不知
味深門潛醞客來稀終歲醇醲味不移長安酒
徒空擾擾路旁過去那得知

六 相逢行

二十登漢朝英聲邁今古適從東方來又欲謁
明主猶酣新豐酒尚帶灞陵雨邂逅兩相逢別
來問寒暑寧知白日晚暫向花間語忽聞長樂
鍾走馬東西去

七 烏引雛

日出照東城春鳥鳴鷓鴣和鳴鷓鴣和鳴羽猶短
巢在深林春正寒引飛欲集東城暖群鷓鴣離袂
睥睨高舉翅不及墜蓬蒿雄雌來去飛又引音
聲上下懼鷹隼引鷓鴣烏尔心急急將何如何得
比日搜索雀卵噉尔鷓

八
鷓鴣奪巢

野鷓鴣野鷓鴣巢林梢鷓鴣恃力奪鷓鴣巢吞鷓鴣之肝
啄鷓鴣腦竊食偷居還自保鳳凰五色百鳥尊知
鷓鴣爲害何不言霜鷓鴣野鷓鴣得殘肉同啄羶腥不
肯逐可憐百鳥紛縱橫雖有深林何處宿

九
鷓鴣銜泥

銜泥鷓鴣聲嘍嘍尾涎涎秋去何所歸春來復相
見豈不解決絕高飛碧雲裏何爲地上銜泥滓
銜泥雖賤意有營杏梁朝日巢欲成不見百鳥
畏人林野宿翻遭網羅俎其肉未若銜泥入華
屋鷓鴣銜泥百鳥之智莫與齊

十
鞞鼓行

淮海生雲暮慘澹廣陵城頭鞞鼓暗寒聲坎坎
風動邊忽似孤城萬里絕四望無人煙又如
騎截遼水馬不食仰朔天座中亦有燕趙士

聞輦不語客心死何況鰥孤火絕無晨炊獨婦
夜泣官有期

古劍行

千年土中兩刃鐵土蝕不入金星滅沉沉青春
鱗甲滿蛟龍無足蛇尾斷忽欲飛動中有靈豪
士得之敵國寶仇家舉意半夜鳴小兒女子不
可近龍蛇變化此中隱夏雲奔走雷闐闐恐成
霹靂飛上天

金谷園歌

石氏滅金谷園中水流絕當時豪右爭驕侈錦

六

為步障四十里東風吹花雪滿川紫氣凝閣朝
景妍洛陽陌上人迴首絲竹飄飄入青天晉武
平吳恣歡燕餘風靡靡朝廷變嗣世衰微誰肯
憂二十四友日日空追遊追遊詎可足共惜年
華促禍端一發埋恨長百草無情春自綠

溫泉行

三

出身天寶今年幾頑鈍如錘一作鉛命如紙作官不
了却來歸還是杜陵一男子北風慘慘投溫泉
忽憶先皇遊幸年身騎廐馬引天仗直入華清
列御前玉林瑤雪滿寒山上昇玄閣遊絳煙平

明羽衛朝萬國車馬合沓溢四鄜蒙恩每浴華
池水扈獵不蹂渭北田朝廷無事共歡燕美人
絲管從九天一朝鑄鼎降龍馭小臣髯絕不得
去今來蕭瑟一作索萬井空唯見蒼山起煙霧可憐
蹭蹬失風波仰天大叫無奈何弊裘羸馬凍欲
死賴遇主人杯酒多

十四
學仙二首

昔有道士求神仙靈真下試心確然千鈞巨石
一髮懸卧之石下十三年存道忘身一試過名
奏玉皇乃升天雲氣冉冉漸不見留語弟子但

精堅

石上鑿井欲到水惰心一起中路止豈不見古
來三人俱弟兄結茅深山讀仙經上有青冥倚
天之絕壁下有颼颼萬壑之松聲仙人變化爲
白鹿二弟翫之兄誦讀讀多七過可乞言爲子
心精得神仙可憐二弟仰天泣一失毫釐千萬
年

廣陵行

雄藩鎮楚郊地勢鬱岩堯雙旌擁萬戟中有霍
嫖姚海雲助兵氣寶貨益軍饒嚴城動寒角晚

騎踏霜橋翕習英豪集振奮士卒驍列郡何足
數趨拜等卑寮日晏方云罷人逸馬蕭蕭忽如
京洛間遊子風塵飄歸來視寶劔功名豈一朝

十七 萼綠華歌

有一人兮昇紫霞書名玉牒兮萼綠華仙容矯
矯兮雜瑤珮輕衣重重兮蒙絳紗雲雨愁思兮
望淮海鼓吹蕭條兮駕龍車世溷濁兮不可降

胡不來兮玉斧家宸一作斧

十六 王母歌云玉女歌

衆仙翼神母羽蓋隨雲起上游玄極杳冥中下

此首在王母歌後

此首在學仙吟後

看東海一杯水海畔種桃經幾時千年開花千
年子玉顏眇眇何處尋世上茫茫人自死

十五 馬明生遇神女歌

學仙貴功亦貴精神女變化感馬生石壁千尋

啓雙檢中有玉堂一作床鋪玉簟立之一隅不與言

玉體安隱三日眠馬生一粒心轉堅知其丹白

蒙哀憐安期先生來起居請示金鐙玉珮天皇

書神女呵責不合見仙子謝過手足戰大瓜玄

棗冷如冰海上摘來朝霞凝賜仙復坐對食訖

頷之使去隨煙升一作使隨立煙升乃言馬生合不死少

姑教勅令付尔安期再拜將生出一授素書天
地畢

十九 石鼓歌

周宣大獵兮岐之陽刻石表功兮煒煌煌石如
鼓形數止十風雨缺訛苔蘚澁今人濡紙脫其
文既擊既埽白黑分忽開滿卷不可識驚潛動
螿走云云喘逶迤相糾錯乃是宣王之臣史籀
作一書遺此天地間精意長存世冥冥秦家祖
龍還刻石碣石之罘李斯跡世人好古猶共傳
持來比此殊懸隔

二十 寶觀主白鸚鵡歌

鸚鵡鸚鵡衆皆如漆爾獨如玉鸚之鵲之衆皆
蓬蒿下爾自三山來音梨三山處子下人間綽約不
粧冰雪顏仙鳥隨飛來掌上來掌上時拂拭人
心鳥意自無猜玉指霜毛本同色有時一去凌
蒼蒼朝遊汗漫暮玉堂巫峽雨中飛暫濕杏花
林裏過來香日夕依仁全羽翼空欲銜環非報
德豈不及阿母之家青鳥兒漢宮來往傳消息

廿一 彈碁歌

圓天方地局二十四氣子劉生絕藝難對曹客

為歌其能請從中央起中央轉闢破欲闌零落
 勢背誰能彈此中舉得六七旋風忽散霹靂
 疾履機乘變安可當置之死地翻取強不見短
 兵反掌收已盡唯有猛士守四方四方又何難
 橫擊且緣邊豈如昆明與碣石一箭飛中隔遠
 天神安志愜動十全滿堂驚視誰得然

廿二 龜山神女歌 山在吳縣西太湖中
 龜頭之山直上洞庭連青天蒼煙樹閉古廟中有娥眉成水仙水府沈行路絕蛟龍出
 沒無時節魂同題地潛大陰身身空山長不滅東晉永和今幾代雲髮素顏猶明
 陰深靈氣靜楚美的碑龍綉雜瓊珮山精木魅不敢親昏明嚮像如有人蘭蕙瓊
 身精靈靈碧松月無不春舟客經過葉林晴平女南音歌激楚碧水寒空鳥飛
 嘒嘒蘇州集卷第十 意多玉雪湯涼凌清波孤掌絕島儼相向鬼嘯核
 靈變態狀無方遊龍宛轉驚鴻翔湘妃獨立九疑暮漢女羨歌春日長雅知仙事無
 不可有惜吳宮空白首

甲子正月廿三日校

蘇州集卷第十

蘇州刺史韋 應物

歌行下二十首

聽鸞曲一首

白沙亭逢吳叟歌一首

送褚校書歸舊山歌一首

五弦行一首

驪山行一首

漢武帝雜歌三首

梭欄蠅拂歌一首

信州錄事參軍常曾古鼎歌一首

夏冰歌一首

凌霧行一首

樂燕行一首

采玉行一首

難言一首

易言一首

調嘯詞二首

三臺詞二首

歌行下二十首

聽鶯曲

東方欲曙花冥冥啼鶯相喚亦可聽乍去乍來
時近遠纔聞南陌又東城忽似上林翻下苑綿
綿蠻蠻如有情欲轉不轉意自嬌羌兒弄笛曲
未調前聲後聲不相及秦女學箏指猶澁須臾
風暖朝日暎流音變作百鳥喧誰家懶婦驚殘
夢何處愁人憶故園伯勞飛過聲跼促戴勝下
時桑田綠不及流鶯日日啼花間能使萬家春
意閑有時斷續聽不了飛去花枝猶裊裊還栖
碧樹鎖千門春漏方殘一聲曉

韓世
二
白沙亭逢吳叟歌

龍池宮裏上皇時，羅衫寶帶香風吹。
滿朝豪士今已盡，欲話舊遊人不知。
白沙亭上逢吳叟，愛客脫衣且沽酒。
問之執戟亦先朝，零落艱難却負譙。
親觀文物蒙雨露，見我昔年侍丹霄。
冬狩春祠無一事，歡遊洽宴多頒賜。
嘗陪夕月竹宮齋，每返溫泉灞陵醉。
星歲再周十二辰，爾來不語今為君。
盛時忽去良可恨，一生坎壈何足云。

送褚校書歸舊山歌

握珠不返泉匣玉，不歸山明皇重士。
亦如此，忽惟褚生何得還。
方稱羽獵賦未拜，蘭臺職漢篋亡書已。
暗傳蒿丘遺簡，還能識朝朝待詔青鑲闈。
中有萬年之樹蓬萊池，世人仰望棲此地。
生獨徘徊意何為，故山可往薇可採。
一自人間星歲改，藏書壁中苔半侵。
洗藥泉中月還在，春風飲餞灞陵原。
莫厭歸來朝市喧，不見東方朔避世從容金馬門。

五弦行

美人為我彈五弦，塵埃忽靜心悄然。
古刀幽磬初相觸，千珠貫斷落寒玉。
中曲又不喧徘徊，夜

長月當軒如伴風流紫艷雪更逐落花飄御園
獨鳳寥寥有時隱碧霄來下聽還近燕姬有恨
楚客愁言之不盡聲能盡末曲感我情解幽釋
結和樂生壯士有仇未得報拔劍欲去憤已平
夜寒酒多愁遽明

驪山行

君不見開元至化垂衣裳厭坐明堂朝萬方訪
道靈山降聖祖沐浴華池集百祥千乘萬騎被
原野雲霞草木生相輝光禁仗圍山曉霜切離
宮積翠夜漏長玉階寂歷朝無事碧樹萎蕤寒

更芳三清小鳥傳仙語九華真人奉瓊漿下元

昧爽漏

一作編

恒秩登山朝禮玄元室翠華稍隱天

半雲丹閣光明海中日羽旗旄節憩瑤臺清絲
妙管從空來萬井九衢皆仰望彩雲白鶴方徘徊
憑高覽或作望嗟寰宇造化茫茫思悠哉秦川
八水長繚繞漢氏五陵空崔嵬乃言聖祖奉丹
經以年爲日億萬齡蒼生咸壽陰陽泰高謝前
王出塵外英豪共理天下晏戎夷讐伏兵無戰
時豐賦斂未告勞海闊珍奇亦來獻干戈一起
文武乖歡娛已極人事變聖皇弓劍墜幽泉古

木蒼山閉宮殿續承鴻業聖明君威震六合驅
妖氛太平遊幸今可待湯泉嵐嶺還氛氲

漢武帝雜歌三首

漢武好神仙黃金作臺與天近王母摘桃海上
還感之西過聊問訊欲來不來夜未央殿前青
鳥先徊翔綠鬢縈雲裾曳霧雙節飄飄下仙步
白日分明到世間碧空何處來時路玉盤捧桃
將獻君踟躕未去留彩雲海水桑田幾翻覆中
閨此桃四五熟可憐穆滿瑤池燕正值花開不
得薦花開子熟安可期邂逅能當漢武時顏如

芳華潔如玉心念我皇多嗜欲雖留桃核桃有
靈人間糞土種不生由來在道豈在藥徒勞方
士海上行掩扇一言相謝去如煙非煙不知處

金莖孤峙兮凌紫煙漢宮美人望杳然通天臺
上月初出承露盤中珠正圓珠可飲壽可永武
皇南面曙欲分從空下來玉杯冷世間綵翠亦
作囊八月一日仙人方仙方稱上藥靜者服之
常綽約栢梁沉飲自傷神猶聞駐顏七十春乃
知甘醲皆是腐腸物獨有淡泊之水能益人千
載金盤竟何處當時鑄金恐不固蔓草生來春

復秋碧天何言空墜露

漢天子觀風自南國浮舟大江屹不前蛟龍索
鬪風波黑春秋方壯雄武才彎弧叱浪連山開
愕然觀者千萬衆舉麾齊呼一矢中死蛟浮出
不復靈舳艫千里江水清鼓鞞餘響數日在天
吳深入魚鼈驚左有飲飛落霜翻右有孤兒貫
犀革何為臨深親射蛟示威以奪諸侯魄威可
畏皇可尊平田校獵書猶陳此日從臣何不言
獨有威聲振千古君不見後嗣尊為武

十二 櫻櫚蠅拂歌

寇季膺古刀歌

剪寒鋒青滅少年結客交平
陵客求之時代不可知千痕萬穴
如星翻重疊泥沙更剝落縱橫
鏽甲相參差古物有靈知雨通
表拂之橫席陰森白日掩雲虹
錯落池光動金碧知君寶此誇
絕代求之不得心常愛感見今
時流指柔片鋒折刃猶堪佩高
一成石滄海填英豪埋沒誰所
捐吳金斷馬不知處幾度煙塵
今獨全夜光投人人不畏知君獨
識精靈氣酬恩結義心自知死
生好惡不相棄白虎司秋金氣
清高天寒落雲崢嶸月肅風
淒古堂淨精芒切如有聲何
不跨蓬萊斬長鯨世人所好殊
遼闊千金買鉛徒一割

櫻櫚為拂登君席青蠅掩一作亂飛四壁文如輕
羅散如髮馬尾髦牛不能絜柄出湘江之竹碧
玉寒上有織羅縈縷尋未絕左揮右灑繁暑清
孤松一枝風有聲麗人紉素可憐色安能點白
還為黑。

十三 信州錄事參軍常曾古鼎歌 信州錄事

三年糾一郡獨飲寒泉井江南鑄器多鑄銀罷
官無物唯古鼎雕螭一作刻篆相錯蟠地中歲久
青苔寒左對蒼山右流水云有古來葛仙子葛
仙埋之何不還耕者鎗然得其間持示世人不

知寶勸君鍊丹永壽考

夏冰歌

出自玄泉杳杳之深井汲在朱明赫赫之炎辰
九天含露未銷鑠閭闔初開賜貴人碎如墜瓊
方截璐粉壁生寒象筵布玉壺纒肩亦玲瓏座
有麗人色俱素咫尺炎涼變四時出門焦灼君
詎知肥羊甘醴心悶悶飲此瑩然何所思當念
闌干鑿者苦臘月深井汗如雨

凌霧行

秋城海霧重職事凌晨出浩浩合元天溶溶迷

朗一作朝日纔看含鬢白稍視一作似露衣密道騎全不

分郊樹都如失霏微誤噓吸膚腠生寒慄歸當
飲一杯庶用蠲斯疾

樂燕行

良辰且燕樂樂往不再來趙瑟正高張音響清
塵埃一彈和妙謳吹去繞瑤臺艷雪凌空散舞
羅起徘徊輝輝發衆顏灼灼歎令才當喧既無
寂中飲亦停杯華燈何遽升馳景忽西頽高節
亦云立安能滯不迴

采玉行

山首九五注行後

官府徵白丁言采藍谿玉絕嶺夜無家深榛雨中宿獨婦餉糧還哀哀一作田荒舍南哭一作田荒

難言詞

搆土移山望山盡一作遷投石填海望海滿持索捕風幾時得將刀斫水幾時斷未若不相知中心萬仞何由欸

易言

洪爐熾炭燎一毛大鼎炊湯沃殘雪疾影隨形不覺至千鈞引縷不知絕未若同心言一言和同解千結

調嘯詞二首

馬馬馬遠放燕支山下跑沙跑雪獨嘶東皇

西望路迷路迷路迷路邊草無窮日暮

河漢河漢曉挂秋城漫漫愁人起望相思江南塞北別離別離別離離別河漢雖同路絕

三臺詞二首

一年一年老去明日後日花開未報平安長平定

萬國豈得銜盃

冰泮寒塘始綠雨餘百草皆生朝來門閭無事晚下高齋有情

蘇州集卷第十

甲子正月廿三日

蘇州集卷第十 甲子正月廿三日

蘇州集卷第十

蘇州集卷第十

蘇州集卷第十

蘇州集卷第十

蘇州集卷第十

蘇州集卷第十

蘇州集拾遺

蘇州刺史韋 應物

熙寧丙辰校本添四首

荅暢參軍一首

南池宴錢子辛賦得科斗一首

詠徐正字畫青蠅一首

虞獲子鹿一首 并序

紹興壬子校本添三首

陪王郎中尋孔徵君一首

送宮人入道一首

和晉陵陸丞早春遊望一首

乾道辛卯校本添一首

九日

荅暢參軍

秉筆振芳步少年且吏遊官閑高興生夜直河
漢秋念與清賞遇方抱沉疾憂嘉言忽見贈良
藥同所瘳高樹起栖鴉晨鍾滿皇州淒清露華
動曠朗朗景氣浮偶宦心非累處喧道自幽空虛
爲世薄子獨意綢繆

南池宴錢子辛賦得科斗

臨池見科斗美爾樂有餘不憂網與鈎幸得免
爲魚且願充文字登君尺素書

詠徐正字畫青蠅

誤點能成物迷真許一時筆端來已久座上去
何遲顧白曾無變聽鷄雞不復疑詎勞才子賞爲
入國人詩

虞獲子鹿并序

虞獲子鹿憫園鹿也遭虞之機張見畜於人不
得遂其天性焉

虞獲子鹿畜之城陬園有美草池有清流但見

蹙蹙亦聞啾啾誰知其思巖谷云一作游

陪王郎中尋孔微君

俗吏閑居少同人會面難偶隨香署客來訪竹
林歡暮館花微落春城雨暫寒甕間聊共酌莫
使宦情闌

送宮人入道

捨寵求仙畏色衰辭天素面立天墀金丹擬駐
千年貌寶鏡休勻八字眉公主與收珠翠後君
王看戴角冠時從來宮女皆相妒說著瑤臺總
淚垂

和晉陵陸丞早春遊望

獨有宦遊人偏驚物候新雲霞出海曙梅柳渡
江春淑氣催黃鳥晴光照綠蘋忽聞歌苦調歸
思欲霑巾

九日

一為吳郡守不覺菊花開始有故園思且喜衆

賓來右三首紹興壬子校本添

韋應物居官自愧閔有郵人之心其詩如深山采藥飲泉坐石日
晏忘歸孟浩然如訪梅問柳編入幽寺二人趣意相似然入處不同
韋詩潤者如石孟詩如雪雖淡無彩色不免有輕盈之意德祐初秋
須看二集謹用較點并記之猶深劉會孟辰翁

韋蘇州集拾遺

公為蘇州時年已五十餘在郡公暇即與秦系丘丹顧況輩相倡和風流雅韻播於吳中或推為人豪或目為詩仙信州刺史劉太真嘗與書云宋齊間沈謝吳何始精理意緣情體物備詩人之指後之傳者甚失其原惟足下制其橫流於所作見焉蓋畫戟清香之詞最為警策宜當時推重如此嚴守後寓永定寺而終其詩冲澹而有意義自成一家體東坡嘗效其寄全杜道士詩卒不可及先正教人作詩須得陰曹中來以其無聲色臭味之難而可發幽閒蕭散之趣也舊有劉須溪校注本十卷茲重錄刊示同志爾

吳門後學張習識

蘇州楊觀堂寄韋蘇州集十卷謂是元刊旋寄末快來則實是明初張習刻本也原板十二行二十字時亦嚴可觀補板則拙劣矣取校此本補詩十一首各附鈔於本卷末此本有兩張本無者亦四首皆存之存詩下張本不見著錄其字句往往有勝字本者蓋張刻出於劉澗復評本則六原於宋本矣舊本已自足珍況溢出詩十餘首之多耶值昂不及收回校寫於此本而歸之丁二月初十日增湘記

江南圖書館有元刻韋蘇州集半部與孟集合刊者半部十行十六字正題源係校本疑即此本而出但行款已易矣沈村又記

頃得德祿刊本正源溪校點與江南館所藏行款同取校一過其異字多與張習本合惟卷之末不合蓋張刻增入詩十一首於此三卷中已非德祿本之舊矣戊午五月十四日校畢記之增湘

韋蘇州集後序

後列九序跋據大字本字刊校勘皆用朱筆

權知吳縣事葛縈等所校讎唐蘇州韋刺史集凡十卷以相校除定著五百五十九篇皆以拊可繕寫刺史洛陽人姓韋氏名應物正元中以左司郎中出為蘇州刺史其詳不載於正史不可得而考也其為文峻潔幽深詞意簡遠指事言情格力閑暇下可以凌顏謝而上可以薄風騷擺去陳言纖濃合度而自成一家想似其為人也繇正元逮今三百餘年而刺史之文傳於世者寥寥不知其幾也熙寧九年

天子命

度支郎中昌黎韓公出知蘇州事

公至則芟剔弊蠹敷施德惠而盜遁姦革治若神明暮年而政成方是時

天子平交趾定河隍而四方有慶

公於閑宴之際視學校講書史以文會友賦詩吟詠而樂道前人之休於是得晁文元公家藏韋氏全集俾僚屬賓佐參校訛謬而終之於蔡始命鏤板將以傳之於後世嘻昌黎公之志可謂遠矣其

政明白爆耀而不敢忘前人之善其文章清新雅麗而不敢忘前人之法其行已剛毅明敏而不敢忘前人之行是宜位與才稱而

榮象其德者也千里之任其能稱乎後之人誦韋刺史之詩而聞僚屬賓佐之言其能忘昌黎公之德乎謹第目錄如上

將仕郎守長洲縣尉兼管勾河塘溝洫王昌彥

將仕郎守陳州司法參軍充州學教授霍漢英

登仕郎前監杭州鹽官縣岳門蜀山鹽場權知吳縣事葛縈等校

書葛縈校韋蘇州集後

右葛縈校蘇州韋刺史集十卷刺史洛陽人姓
韋氏名應物正元中以左司郎中出爲蘇州刺
史書目姓名略見唐書藝文志其詳不載於正
史不可得而考也今觀其逢楊開府詩云少事
武皇帝無賴恃恩私身作里中橫家藏亡命兒
朝持檇蒲局暮竊東鄰姬司隸不敢捕立在白
玉墀驪山風雪夜長楊羽獵時一字都不識飲
酒肆頑癡武皇升仙去憔悴被人欺讀書事已
晚把筆學題詩兩府始收跡南宮謬見推非才

果不容出守撫惇嫠忽逢楊開府論舊涕俱垂
坐客何由識唯有故人知又溫泉行云出身天
寶今年幾頑鈍如鎚命如紙作官不了却來歸
還是杜陵一男子又云身騎廐馬引天仗直入
華清列御前是嘗爲三衛而蹤跡不羈也燕李
錄事詩云與君十五侍皇闈又京師叛亂寄諸
弟云弱冠遭世難二紀猶未平當天寶十五載
六月明皇避安祿山之難是年應物年二十至
寶應元年建巳月上皇崩則武皇升仙去之時
應物年二十七又示從子河南尉班詩序云永

泰中予任洛陽丞則應物年二十九及其來吳
贈舊識云少年游太學負氣蔑諸生蹉跎三十
載今日海隅行則少嘗游太學蓋武皇升仙後
二年入太學遂爲丞也自洛陽丞爲京兆府功
曹大曆十四年自鄆縣令制除櫟陽令以疾歸
善福精舍建中二年由前資除比部員外郎出
爲滁州改判江州改左司郎中貞元初又歷蘇
州罷守寓居永定精舍以詩考之歷官次序如
此廣德中洛陽作云蹇劣乏高步緝遺守微官
廣德二年乃當永泰之元時爲洛陽丞自京師

叛亂之後至德乾元上元寶應數年間折節讀
書遂入仕而因謂之微官也善福精舍詩注建
中二年除比部則應物年四十五建中四年十
月三日京師兵亂自滁州間道遣使明年興元
甲子歲五月九日使還寄諸弟作詩云歲暮兵
戈亂京國帛書間道訪存亡乃德宗幸奉天時
應物年四十八自後守九江至爲蘇州刺史計
其年五十餘矣以集中事及時人所稱考其仕
宦如此得非遂止於蘇耶按白居易蘇州荅劉
禹錫詩云敢有文章替左司左司蓋爲應物也

官稱止如此其集中詩寄大梁諸友云分竹守南譙弭節過梁地則是嘗守亳社篇末云相敦在勤事海內方勞師似與興元甲子不遠也又唐小說載與諸公唱和稱韋十九林寶姓纂云周道遙公復之後左僕射扶陽公待價生司門郎中令儀令儀生鑿鑿生應物應物生監察御史河東節度掌書記慶復李肇國史補云爲人性高潔鮮食寡欲所居焚香掃地而坐其爲詩馳驟建安已還各得風韻又云開元以後位卑而著名者李北海王江寧李館陶鄭廣文元魯

山蕭功曹張長史獨孤常州崔比部梁補闕韋蘇州其大略可見如此紹興昭陽作噩仲春望日西溪姚寬令威書

書重刊韋蘇州集後

唐左司郎中韋公正元中爲蘇州刺史天下號曰韋蘇州賓儒招隱相與酬唱有詩十卷本朝嘉祐中太原王公爲之集序以紀世系仕宦之由紹興中西溪姚公爲之年譜以定出處前後之次其文名足以傳信於後世矣今

丞相觀文魏公出鎮三吳腹心之地開藩之初

搜前代賢牧之治效得韋公詩而喜觀之第以
工匠雕鏤舛訛既多板籍寔久磨滅亦甚乃命
教官參校而是正之鏤板以傳不朽觀國嘗謂漢
尚經術而文章雅正類多有之唐尚詞章而風
騷之盛尤稱於時若奏天子游獵之賦卒章乃
歸於三皇五帝之功德者天子說之先賢集唐
百家詩錄其警篇而杜韓李所不與蓋有微意
存焉韋公道德之旨發於情性警策之妙曲終
奏雅惟

丞相取而表出之其亦鑒拔斯文一隆正論爲

後人標準之意豈小補哉乾道辛卯左奉議郎

充平江府府學教授胡觀國書

韋蘇州詩集十卷并拾遺七篇

丞相觀文魏公守平江命教官所校也自大雅
微缺作詩者並驅爭馳其才思風韻固不可一
槩惟自優游平易中來天理混融若無意於詩
者此體最爲高絕韋蘇州以詩鳴唐其詞清深
弘遠自成一家至歌行益高古近興調非天趣

稟賦自然者不能作此今觀其逢楊開府

詩云朝持樗蒲局暮竊東鄰姬一字都不識飲

酒肆頑癡武皇升仙去憔悴被人欺讀書事已
 晚把筆學題詩乃少年豪縱不羈人耳按蘇州
 於廣德中已為洛陽丞去武皇升仙才歲餘當
 時作詩尤稱絕倡豈初識字把筆學為者又廣
 德中洛陽作云生長太平日不知太平歡又野
 居云結髮累辭秩則其少年在太平時本自恬
 靜又漢武帝雜歌力詆神仙畋遊之事又似在
 天寶間譏諷時政者豈蘇州心知天寶之將亂
 欲去不能嘗為是穢迹自晦之計與不然亦自
 序之過也方蘇州在時其詩未甚貴重後三十

餘年白樂天始愛之東坡先生亦云樂天長誦
 三千首却愛韋郎五字詩東坡豈薄蘇州者以
 樂天之文之華麗宜於無愛故也大凡浮靡之
 詞易說平淡之音難聽理固然耳今

丞相觀文公貴本尚古嗜好與眾絕殊顧於此
 耽玩若所甚好不少置敦禮職斯文者曷敢不

以承

是正

若蘇州
 九日一詩附於卷末
 姚君令威之所

學教授崔敦禮書

宋刻存十行十字：大如錢蓋何與刻也存八九十三卷及序序者高升
張收之余假本校勘一返與此所刻異同殊少卷序片在宋刊本中

傅好所記

東山席氏悉飲席
本所云贊川書屋

海東席氏

此本亦云樂天具

戊午端午日校閱一過

